

Aningaasaqarnermut Pisorta qarfik – Isumaqatigiinniartarfik

Ilisimatitsissut

Uunga: Allaffissornikkut aqutsisoqatigiit

Nalunaarut – Sulisoqarnermut suleqatigiissitat

1. Tunngaviit katitigaanerlu

Aaqqissugaanerup iluarsaaqqinneqarnerata aammalu suliassanik namminersorerullutik oqartussaniit kommuninut nussuinerup piareersarneqarneranut ilanngullugu suleqatigiissitaliortoqarpoq sulisup aaqqissugaanermik iluarsaaqqinnermit attorneqartut nuunneqarnissaat pillugu suleriaaserineqartussat malittarisassarineqartussallu pillugit kaammattuuteqartussanik.

Suleqatigiissitat inuttaraat makkua: Kanukokamiit: Immikkut siunnersorti Jakob Hindrichsen aammalu siunnersorti Susanne Mørch. Sulisoqarnermut Pisorta qarfik: Inatsisileritooq Niels Høyrup. Aningaasaqarnermut Pisorta qarfik, isumaqatigiinniartarfik: Fuldmægtig Robert Barrit Sørensen aammalu immikkut siunnersorti Palle Ømark (siulittaasoq).

Suleqatigiit 11. december 2007-imiiit – 7. februar 2008-imut quleriarlutik ataatsimiittarput.

2. Suliassarititaasut aallaavissallu

Suliassarititaasut iluanni sulisoqarnermut suleqatigiissitat suliassatik aalajangersimavaat paasissutissanik katersineq nassuiaanerlu makkununga tunngasunik:

- Kommuniusimasuniit kommuninut nutaanut sulisunik nuussineq
- Namminersorerullutik Oqartussaniit kommuninut nutaanut sulisunik nuussineq
- Atorfiit annertuumik allanngortinneqarneranni atorunnaarsinneqarneranniluunniit pissutsit, kiisalu suliassat tamakku suliarineqarneranni periaasissanut siunnersuutit.

Suleqatigiissitat sulinerminni paasissutissanik akileraartarnermi akiliisitsiniartarnermilu suliassat kommuniniit qitiusumut nuunneqarnerani suliarineqarsimasunik tunngaveqarput.

Suleqatigiissitanit isummerfigineqartut taamaallaat tassaapput suliassat nuunneqarneranni periaaserineqartut aammalu ajornartorsiutit tamatumunnga toqqaanartumik attuumassuteqartut. Aallaavissat avaqqunneqarsinnaanngitsut, soorlu allaffissornikkut aqutsineq, allaffissorneq aammalu atorfiit inissisimaffiilik isumaqatigiissutit soorunami ilanngullugit eqqarsaatigineqarput.

3. Paasissutissat ilanngunneqartut

Ilisimatitsissutitut nalunaarummut matumunnga paasissutissat makku ilanngunneqarput:

1. Kommuniusimasuniit kommuninut nutaanut sulisunik nuussineq (Suleriaatsinut pilersaarut qorsuk)

2. Namminersornerullutik Oqartussaniit kommuninut nutaanut sulisunik nuussineq (Suleriaatsinut pilersaarut sungaartoq)
3. Atorfiit atorunnaarsinneqarneri (Suleriaatsinut pilersaarut aappalaartoq)
4. Inatsisinut atorfinitsitsinermilu malittarisassanut tunngasut pillugit allakkiaq
5. Atorfinnik atorunnaarsitsinermut atatillugu aalajangiinermi skema
- 6-7. Sulisut pillugit immikkut inatsimmi kapitalimut atatillugu nalornissutigineqartut pillugit Naalakkersuisut Allattoqarfiannut attaveqarnermit paasissutissat.

Suleriaatsinut pilersaarutit piffissamut pilersaarutitaqarput ilitsersuutitaqarlutillu. Tjenestemandinut isumaqatigiissutillu malillugit atorfeqartitaasunut tunngasut assigiinngitsumik pineqartarmata aamma suleriaatsinut pilersaarutit taakku malillugit immikkoortinneqarsimapput. Kommuniusimasuniit kommuninut nutaanut sulisut nuunneqarneri pillugit suleriaatsinut pilersaarutit taakkununga assingusunik suliassartaqarput. Assigiinngissutaat tassaavoq namminersornerullutik oqartussaniit kommuninut nuussinermi oqartussaasoq atorfeqartitsisoq allanngortussaammat aammalu namminersornerullutik oqartussat kommunillu akornanni annerusumik ataqatigiissaarisoqartariaqarmat kommunit suliassaasa nutaajunerat taamaammallu suli misissoqqissaagaanninnerat pissutigalugu.

Atorfiit atorunnaarsinneqarneranni suleriaasissanut pilersaarut ataasiinnaavoq suleriaaseq ataasiinaasussaammat apequtaatinnagu atorfik namminersornerullutik oqartussaniit kommuniusimasumilluunniit atorunnaarsinneqarnerisoq. Suleriaatsimut pilersaarummut ilanngunneqarputtaaq atorfiit annertuumik allanngortinneqarnerinut tusarniaasernerit pineqartullu kattuffiata peqataatinneqartarnera assigiimmik pisarmata. Suliassat kommuninut nutaanut nuunneqanngikkaangata aatsaat imaluunniit namminersornerullutik oqartussani tigummiinnarneqanngikkaangata aatsaat atorfiit atorunnaarsinneqartussaammata suliassanut pilersaarutini allani atorfiit atorunnaarsinneqarneranni suleriaasissat innersuussutigineqarput.

Suliassanut pilersaarutini piffissaliussat tassaapput naammassinniffissatut kaammattuutigisat. Immikkoortuni ataasiakkaani suliassat sularineqarnerannut piffissap qanoq annertutigisup atorneqarnissaanik naliliinissaminnut suleqatigiissitat tunngavissaqarsimanngillat. Namminersornerullutik Oqartussaniit kommuninut nutaanut suliassanik nuussinermi suleriaasissanut pilersaarummi piffissaliussani ullormik taasisoqarsimanngilaq, taamaallaalli immikkoortut ataasiakkaat akornanni piffissap qanoq sivisutiginera taaneqarpoq. Tamanna suliassat ataasiakkaat qaqugukkut kommuninut nutaanut nuunneqarnissaata nalornisigineqarneranik pissuteqarpoq.

Suleriaasissanut pilersaarutit tamarmik ilitsersuutitaqarput. Suleriaatsinut pilersaarutit suleqatigiissitaniit paasiuminartuutinniarnaqarmata atuisut annerusumik paasisaqarusutsillugit imaluunniit suleriaatsinut pilersaarummik paasinnilluarnerorusutsillugit ilitsersuutit ikiortissatut takorloorneqarput.

Allakkiaq. Atorfiit sulisitsisunut nutaanut nuunneqarneri pillugit atorfeqarnermi malittarisassat paasiunaasinnasarmata aammalu aalajangiisussanit alanngaarneqarsinnaasussat naatsorsuutigineqarsinnaanngimmata suleqatigiissitat allakkiorsimapput malittarisassanik nassuiaaffiusumik aammalu nalornissutigineqarsinnaasunik qulaajaaffiusumik. Soorlu allakkiami allassimasoq aalajangigassat tamakkerlugit suli aalajangiiffigineqarsimanngimmata suut tamarmik akissutissaqartinneqarsinnaanngillat.

Tamanna soorlu suliffigilikkap sumiiffianik nutaanik akuersinermut, illqoarfirmut minnerusumut nunaqarfimmulluunniit nuunnermik nassataqartumut tunngassuteqarpoq. Ilimagineqartariaqarpoq tjenestemandit isumaqatigiissutit malillugit atorfeqartuniit annerusumik allannguutit taama ittut naammagisariaqartassagaat, apeqqulli pissusiviusuni sulis ersersinneqanngilaq.

4. Paasissutissani ilanngunneqartuni kaammattuutinilu isumaliortaatsit tunngaviusut
Suliassanik kommuniusimasuniit aammalu namminersorerullutik oqartussaniit kommuninut nutaanut nuussineq akimmeraanngitsumik ingerlasariaqarpoq atuisut sullinneqarnermik ajornerulernerannik kukkusunillu aalajangiiffigineqarnerminnik nalaataqannginniassammata. Taamaattoqassappat sulisut ulloq siullermiilli suliassat isumagisinnaasariaqarpaat minnerpaamik nuussinerup siornatut pitsaassuseqartumik.

Allannguutit suulluunniit sulisunik qanorluunniit qaffasissusilimmik atorfilinnik nangialersitsisarput. Nangiarnarat tunngavissaqaruni tunngavissaqanngikkaluaruniluunniit sullerlulersitsisarpoq, allaallu nalorninaateqannginnersumik atorfeqalerumalluni soraarnermik kinguneqarsinnaalluni.

Taamaammat suleqatigiinnermut malittarisassat malinneqarnissaat aammalu sulisut tamatigut piaarnerpaamik peqataatilerneqarnissaat aammalu kattuffiit ilisimatinneqartarnissaat pingaaruteqarluinnarpoq. Ilaanni ajorineqartarpoq sumik arlaannik allanngortinneqaannartussamik nalunaaruteqarnikkut ilisimasulussinnartitsisoqartarmat. Ilisimasariaqarporli ilisimasulussinnaraluaanniluunniit aperineqarsimaneq pimoorunneqarsimanerlu iluarineqartarmata. Taamaaliornikkut sulisup nalornineraniit pimoorunneqanngitsutullu misigineraniit sullerlulerneq minnerusarpoq.

Suliffiit qaffasissusiinik sulis allanngortiterisoqalersimanginnera suleqatigiissitanit maluginiarneqarpoq. Suliffiit qaffasissusiisa allanngortinneqarneri ikaarsaariarnermi ataatsimiititaliat atuutilinnginnerini isumaqatigiissutigineqartariaqaraluarput tassami qaffasissusiinik allannguinerit atorfiit naleqqussusiinik nalilersuinnermut ilaasussaammata aammalu atorfiit suliallu nassuiarneqassappata pinngitsoorneqarsinnaanngimmata.

Suleqatigiissitanit piffissaliussat sivikippallaarussujussuarsorineqarput allaammi naammassineqarsinnaanngingajassorineqarlutik suliat nuunneqarneri 2008-ip naanerani naammassineqarsimassappata. Pingaartumik ikaarsaariarnermi ataatsimiititaliat ilungersortussaassapput. Aammalu kommunit isumaat naapertorlugu – suleqatigiissitanillu akilerneqarsinnaanngitsoq – sulisoqarnermut immikkoortortat sulisussakippallaartitaallutillu aningaasassakippallaartitaapput.

5. Kaammattuutit

1. Nuussinerit sapinngisamik nammineq piumassuseq malillugu pissapput
 - ▶ Sulisitsisoq sulisorlu nuussineq suliassanngortullu pillugit isumaqatigiippata taava taamaallaat sulisoq suliffigiligassap sumiissusianik suliassanillu nutaanik nalunaarfigineqassaaq kiisalu atorfininnermi allagartat nutaat suliarineqassalluni. Isumaqatigiittoqarpat atorfiup imarisaa atorfeqartup naammagiinnartariaqakkamisut pisussaaffia sinnerlugu allanngortinneqarsinnaavoq.
 - ▶ Inuit suliffigilikkamik sumiiffianik suliassanngortunillu akuersiumanngitsut eqqarsaatigalugit illuatungeriit tamarmik akuersinnaasaannik aqqiisoqartariaqarpoq.

Kommuniusimasumiit kommuninngortunut atorfiit nuunneqarpata (suleraatsinut pilersaarut qorsuk) atorfik allatut ajornartumik kommunimi nutaamiittariaqassaaq, namminersornerullutilli oqartussani atorfeqartut (suleraatsinut pilersaarut sungaartoq) eqqarsaatigalguut namminersornerullutik oqartussat iluanni atorfimmik naleqquttumik nassaarniartoqartariaqassaaq.

- ▶ Inuit atorfiit annertuumik allanngortinneqarnissaat pisariaqartutut isigineqartut aammalu illuatungeriit isumaqatigiinngippata, imaluunniit sulisut atorfissaaruttussat suliaassalerinermi inatsimmi malittarisassat pinngitsooratik malinneqassapput kiisalu ilimasaarinissaat atorfimiillu soraarsitsinissaq pillugu malittarisassat pinngitsooratik malinneqassapput. Malittarisassanik ilisimasaqannginneq kukkunermit utoqqatsissutissaanngilaq. Soraarsitsinerit inuttut pilliuteqarfiunermik saniatigut aningaasatigut akisusarput. Taarsiissutit, piffissat suliunnaarsitsivissat sivitsukkat aamma – pingaartumik – tjenestemandit suliartoqquneqarsinnaanerit akissarsiat tassaapput mianersorluarnikkut pinngitsoorneqarsinnaasut.

2. Namminersornerullutik oqartussaniit kommuninut suliaassanik nuussineq pillugu inatsisiliortoqartariaqarpoq tjenestemandinik isumaqatigiissutillu malillugit atorfilinnik nuussineq malittarisassatigut erseqqissunik tunngavissaqarfiuniassamat.

- ▶ Nuussineq pillugu inatsisiliortoqanngippat tjenestemandit namminersornerullutik oqartussaniit kommuninut atorfeqarnerminni nuunnissaannik pisussaaffilerneqarsinnaanngillat. Tamatumunnga taarsiullugu sulisut ataasiakkaat tamarmik nuussineq, suliaassat nutaat aammalu suliffiup sumiissusia nutaaq pillugu isumaqatigiissuteqarfigineqartariaqassapput. Periaaseq taanna akileraaruserinerup eqiterneqarnerani atorneqaraluarluni inatsisiliornermiit pisarissersuutaaneroqaaq.

- ▶ Isumaqatigiissutit naapertorlugit atorfeqartut eqqarsaatigalugit immikkut inatsimmi § 24-imi oqaatigineqarpoq kommuninngortumi atorfeqarnissaminnik neqeroorfigineqassasut, taamaattoqassappallu tamatigut isumaqatigiissuteqartoqarsimanissaa naatsorsuutigineqartoq. Atorfiup sumiissusiata allanngornera suliaassallu allanngornerat isumaqatigiissutit malillugit atorfeqartut atugaannik annertuumik allanngortitsinerujuaannangimmat kaammattuutigineqarpoq suliaassanik namminersornerullutik oqartussaniit kommuninut nuussineq pillugu inatsisini allassimassasoq tamakku atorfiup sumiffianut nutaamut nuunneqassasut, kisiannili suliaassat annertuumik allanngorneri aatsaat isumaqatigiissuteqarnikkut pisinnaassasut.

3. Atorfiit ataasiakkaat inuttalersorneqannginnerini suliffiit aaqqissugaanerit takussutissiat aammalu atorfiit nassuiarneri inissinneqareersimasariaqarput.

- ▶ Suliaassat nukiillu pigisat aallaavigalugit piginnaanerit qanoq ittut siunissami pisariaqartinneqarnerata ikaarsaariarnermi ataatsimiititalianit naliliivigineqartarnissaa aallaavigineqartariaqarpoq. Taanna aallaavigalugu suliffeqarfiup aaqqissugaanera takussutissiorneqassaaq, atorfiit nassuiaasiorneqassallutik aammalu atorfiit amerlassusissaat aalajangersorneqassallutik. Tamakku inissinneqareerpata massakku sulisorineqartut taakkununga naleqqutissusiat misissorneqassaaq. Tamatuma kingorna inuttalersuineq aallartinneqassaaq. Piffissakilliorneq pissutigalugu atorfiit imarisamikkut ilutsimikkullu allanngortittariaqarnerpaat kisimik allanngortinneqarsinnaapput. Sulisut amerlanerpaat taamaallaat nutaamik sulisitsisortaartiternissaat naatsorsuutigineqarpoq.

4. Allanguinerni allaffissornermik suliallit aallarniutigineqartariaqarput, pingaartumik aqutsisut aqutsisullu allequtaat. Tamatuma kingorna paaqqinnittarfiit sulisui tullinnguutissapput.
 - ▶ Meeqqat allallu amerlassusii paaqqinnittarfinni allannngornaviangillat. Taamaammat meeqqeriveqarnermi atorfiit imarisaat amerlassusaallu allannngortinnissaat imaaliinnarluni pisariaqalernaviangilaq. Aamma ingerlatsiveqarfinni ingerlatsinikkut suliassat taamaaginnassapput (aputaajaaneq suli pisariaqassaaq, isumaginninnikkut sullitassat taama amerlassuseqaannassapput il.il.). Taamaammat suliassat imm. 3-imi taaneqartut aqutsisut akornanni aaqqissugaanernik atorfirmilu piumasaqaatinik aallartinneqartariaqarput.
5. Kommunitoqqani tjenestemandit isumaqatigiissutillu malillugit atorfeqartut kommuninngortunullu nuunneqartussaangitsut soraarsinneqarnissaannut kikkut pisinnaatitaanersut qulaarneqartariaqarpoq.
 - ▶ Ajornartorsiut inatsimmi immikkut ittumi isummerfigineqarsimanngilaq. § 17 imm. 2-imi ikaarsaariarnermi ataatsimiititaliat allaffissornermik aqutsineq ineriartortinniarlugu allaffissornermi aqutsisunik atorfinitsitsinissamut pisussaaffeqarnerat eqqaaneqarpoq. Ikaarsaariarnermi ataatsimiititaliat erseqqissunik inatsisitigut tunngavissaqanngikkunik sulisunik kommuninngortunut nuunneqanngitsunik soraarsitsinissaminnut pisinnaatitaaffeqanngillat soraarsitsineq ingerlatsinermut nammakkersuutaasumik iliuuseqarnerummat. Taamaammat soraarsitsinerup nalaani atorfeqartitsisuusup soraarsitsinissaassuseqarnera suleqatigiissitanit naatsorsuutigineqarpoq, tassa imaappoq kommunitoqqat. Kommuni nutaaq atorfilimmut suliffissaqartitsinngippat kommunitoqarlu taassuminnga soraarsitsiniangippat kommuniusimasup kommuninngortullu isumaqatigiinnginnissaat avaqunneqavissinnaanngilaq. Suliassaq taanna inatsisiliortunit aaqqinneqartariaqarpoq.
 - ▶ Namminersornerullutik Oqartussat sulisui eqqarsaatigalugit ajornartorsiut pinngornaviangilaq tassami kommuniusimasutut pinnatik Namminersornerullutik Oqartussat suliassat nuunneqaraluarpataluunniit atorfeqartitsisuuginnassammata.
6. Sulisut nuunneqartut atorfinitsitaaanermut allagartaat nutaat suliarineqartariaqarput.
 - ▶ Apeqput taanna inatsimmi immikkut ittumi qulaarneqarsimanngilaq. Kanukoka tusarniaaermmut akissuteqaammuni tamatuma isummerfigineqarnissaanik siunnersuuteqarmat Naalakkersuisut Allattoqarfiat isumaqataagaluartoq inatsimmi inatsimmulluunniit nassuiaatini allannguisoqanngilaq. Taamaammat suleqatigiissitat isumaqarput tjenestemandit pillugit inatsimmi § 11-imi tunngavigineqartut ilaat naapertorlugu atorfinitsitaaanermut allagartat nutaat tamatigut suliarineqartassasut taamaalilluni kia atorfeqartitsisuunera takuneqarsinnaanngorlugu. Aamma isumaqatigiissutit malillugit atorfeqartunut taamaalioortoqartariaqarpoq. Atorfeqarnermut uppersaatiit 2008 naatinngagu tunniunneqartariaqarput.
7. Ikaarsaariarnermi ataatsimiititaliat suleqatigiinnermut ataatsimiititaliortariaqarput assigiinngitsunik tunuliaqutalinnik inuttalersukkanik.
 - ▶ Tamanna ajornarpat ikaarsaariarnermi ataatsimiititaliat suleqatigiinnermut ataatsimiititalianik pioreersunik peqataatitsisariaqarput suliaq akimmeraarfiunngitsumik ingerlassappat suleqatigiinnermut malittarisassat malinneqartariaqarmata.
8. Nunaqarfinni sulisuusut inissisimanerat isumaliutigineqartariaqarpoq.

- ▶ Nunaqarfinni aqutsisut aatsaat 1. april 2009-mi allanngortinneqartussaammata nunaqarfimmi sulisut allatut inissisimapput. Taamaammat kommunit siunissami aaqqissugaanerit isumaliutigineqartillugu nunaqarfinni sulisut inissisimaneqat ilanngullugu isumaliutigineqartariaqarpoq.
- 9. Sulisunik Namminersornerullutik Oqartussaniit kommuninut nuussisoqartillugu nuunnikkut namminersornerullutik oqartussat inaataanniit kommunip inaataanut nuuttoqassanersoq siusinaartumik paasiniarneqartariaqarpoq.
- ▶ Siunissami inigiligassap nalornissutigineqarnera sulisup nuunneqarnissaminik kissaateqarnissaminik naliliiniarnerani pingaaruteqartaqaaq. Taamaammat init pigisat sulisut nuunneqarnerannut atatillugit nuunneqartariaqarput.

6. Naggasiut

Suleqatigiissitat piffissami sivikitsuinnarmi saqqummigassanik ukuninnga suliaqarnerminni ajornartorsiutinik suliasat itisuumik suliarineqarneranni saqqummersartunik assigiinngitsorpassuarnik suliaqarput. Taamaakkaluartorli suliap piviusunngortinneqarnerani apeqqutinik isigereersimangisatsinnik saqqummersoqartarumaarpoq.

Sulisunik nuussinermi pisussarpassuit pillugit suleqatigiissitat ilisimasarpaaloqalersimagamik suliap piviusunngortinneqarnerani isumalioqataasartussatut neqeroorutigerusupput. Aammattaaq suleqatigiissitat misilittagarilerumaakkanik soqutiginnissapput siunissami suliffiit aaqqissugaanerisa allanngortiterneqarneranni suliasallu nikisiterneqarneranni tunngavissaqartoqarniassammat.

Ikinngutinnersumik inuulluaqqusillunga

Palle Ømark (sign.)

Immikkut siunnersorti